

**Danmarkimi kalaallit, Kalaallit Nunaanni nappaataasa peqqissarneqarsinnaannginnerat peqqutigalugu Brønshøjimi Rigshospitalimilu peqqissarlutik uninngasut kalaaliminernik nerisaqartarnissaat qulakkeerniarlugu ukiumut 200.000 kr-ninik nunatta karsianiit aningaasanik immikkoortitsisalnissaq pillugu Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut Ilaasortaq Doris Jakobsen, Siumut)

Siunnersuutaappaartoq Ilaqutariinnermut Peqqissutsimullu ataatsimiititaliap ulloq 7. oktober 2011 aalajangereratigut imatut iluseqalersillugu allanngortinneqarpoq ”**Danmarkimi kalaallit, Kalaallit Nunaanni nappaataasa peqqissarneqarsinnaannginnerat peqqutigalugu Brønshøjimi peqqissarlutik uninngasut kalaaliminernik nerisaqartarnissaat qulakkeerniarlugu ukiumut 400.000 kr-ninik nunatta karsianiit aningaasanik immikkoortitsisalnissaq pillugu Naalakkersuisut peqquneqarnissaannik Inatsisartut aalajangiiffigisassaattut siunnersuut.**”

#### **Akissuteqaat**

(Peqqissutsimut Naalakkersuisoq, Agathe Fountain)

#### **Aappassaaneerneqarnera**

Ilaqutariinnermut Peqqissutsimullu ataatsimiititaliap Kalaallit Peqqissartut Illuanni uninngasut kalaaliminernik amerlanerusunik nerisaqarnissaat qulakkeerumallugu Naalakkersuisut peqquneqarnissaannik siunnersuummut isumaliutissiissusiaa Naalakkersuisut qujassutigaat.

Kalaallit Peqqissartut Illuata 2010-mi sapaatip akunneranut ataasiarluni kalaaliminernik nerisitsisoqartartoq kiisalu ataasiarluni nikkunik orsumillu nammineq tigooraneqarsinnaasunik sapaatip akunneranut ataasiarluni sassaallertoqartarnera oqaatigaa.

Ilaqutariinnermut Peqqissutsimullu ataatsimiititaliaq aningaasartaliussassat 200.000 kr.-iniit 400.000 kr.-inut qaffanneqarnissaannik maanna isumaliutissiissummini allannguutissatut siunnersuuteqarpoq. Aningaasaliissutissatut qaffariaatit tamarmik ilaannakortumilluunniit manna aningaasaliissutitut sinaakkutaasut iluanni tiguneqarsinnaasut, imaluunniit ajornanngippat 2012-imiit, taammaanngippallu 2013-imiit, aningaasaliiffigineqarsinnaasut Ataatsimiititaliap Naalakkersuisunit paasisorisimagunarpaa. Naalakkersuisut aningaasanik 200.000 kr.-it tikillugit nassaarsinnaanermut periarfissanik misissuisinnaanerminnut piumassuseqarnertik UPA 2010-mi oqaatigaa, tassa peqqinnissaqarfimmut sinaakkusiussanit

anigaasartuutaanerusut 100.000 kr.-it piviusunngortissinnaaneri, imaluunniit anigaasanut inatsit aqutigalugu anigaasaliiffigineqarnissamik qinnuteqarnikkut.

Kalaaliminernik 400.000 kr.-inut pisinissamut ataatsimiititaliamit nutaamik innersuussinikkut qallunaaminernik pisissutissanik ileqqaaruteqartoqassaaq. Kalaallit Peqqissartut Illuata 100.000 kr. missaannik ileqqaaruteqarsinnaaneq naatsorsorpaa. Taamaammat Kalaallit Peqqissartut Illuata taamaalillunilu peqqinnissaqarfiup ukiumut nerisassanuinaq 300.000 kr.-inik anigaasartuuteqarnerunissaa siunnersuutip kingunerissavaa, taakkulu saniatigut assartuinnermut, qerititsivinnut il.il. anigaasartuuteqarnerusoqassaaq.

Kalaallit Peqqissartut Illuat nioqquteqarfimmik aalajangersimasumik kalaaliminernik pilersuisumik isumaqatigiissuteqarpoq. Nioqqutissallu ukiup qanoq ilinera apeqqutaatillugu pissarsiarineqartarmata aalaakkaasumik pilersuisinnaaneq patajaatsuunngilaq, taamatuttaarlu kalaaliminernik uumasut nakorsaata akuerisaanik taamak annertutigisunik 400.000 kr.-it nalinginik pissarsisinnaaneq qularnaateqarpoq. Taamaammat kalaaliminernut 400.000 kr.-inik immikkoortitsinerup ilumut kissaatigineqartut kinguneqarsinnaanera qulakkeerneqarsinnaanngilaq. 400.000 kr.-inut kalaaliminersiniarsinnaanissaq ajornassappat Naalackersuisut tamanna pillugu ilisimatinneqarumaarput.

Naalackersuisut siunnersuutikkut pitsaasumik anguniagaqartoqarnera soorunami iluarinartuutippaat.

2012-imulli Inatsisartut Anigaasanut Inatsisissaattut siunnersuummi ukiunilu missingersuusiorfiusuni ukiuni siusinnerusuni atuvallaartarnerup pinngitsoortinneqarnissaa siunertaralugu peqqinnissaqarfik ileqqaaruteqarnissamik piumaffigineqarlunilu eqaallisaanissaanik piumaffigineqarpoq. Siunnersuutip saqqummiunneqartup peqqinnissaqarfiup anigaasaqarneranut ilungersunartorsiorfioreeqisumut sulit artukeeqinnissaq kingunerissavaa. 300.000 kr.-inillu ukiut tamaasa anigaasartuuteqarneruneq immikkoortuni allani ileqqaaruteqarani piviusunngortinneqarsinnaanngilaq, tassunga ilanngullugit kiffartuussinernik ajornerulersitsinerit.

Inatsisartut allannguutissatut siunnersuummut tapersiissappata, anigaasanut inatsit aqutigalugu kiisalu anigaasanut inatsisissatut siunnersuummut maanna saqqummiunneqartumut sanilliullugu tulleriiareqqinnikkut anigaasat pisariaqartinneqartut pissarsiarineqarnissaat pisariaqassaaq.

Anigaasat pisariaqartinneqartut nassaarineqarsinnaappata Tunngavilersuutit siuliani taaneqartut patsisigalugit siunnersuut allannguutissatullu siunnersuut itigartitsissutigineqassasoq Naalackersuisut innersuussutigaa siunnersuut akuersaaruppaat.